

六經合卷

佛爲海龍王說法印經

佛說右遼佛塔功德經

佛說妙色王因緣經

師子素馱娑王斷肉經

佛說差摩婆帝受記經

佛說師子莊嚴王菩薩請問經

景五

佛爲海龍王說法印經

唐三藏法師義淨奉制譯

如是我聞一時薄伽梵在海龍王宮與大苾芻衆千二百五十人俱并與衆多菩薩摩訶薩俱爾時娑竭羅龍王即從座起前禮佛足白言世尊頗有受持少法得福多不佛告海龍王有四殊勝法若有受持讀誦解了其義用功雖少獲福甚多即與讀誦八萬四千法藏功德無異云何爲四所謂念誦諸行無常一切皆苦諸法無我寂滅爲樂龍王當知是

謂四殊勝法菩薩摩訶薩無盡法智早證無
生速至圓寂是故汝等常應念誦爾時世尊
說是四句法印經時彼諸聲聞大菩薩衆及
天龍八部阿蘇羅健達婆等聞佛所說皆大
歡喜信受奉行

佛爲海龍王說法印經

佛說石遶佛塔功德經

唐于闐三藏實叉難陀譯

如是我聞一時佛在舍衛國祇樹給孤獨園
與大比丘僧及餘無量衆俱前後圍遶爾時
長老舍利弗即從座起偏袒右肩右膝著地
合掌向佛以偈請曰

景五

二

大威德世尊 願爲我等說 右遶於佛塔
所得之果報

爾時世尊以偈答曰

右遶於佛塔 所得諸功德 我今說少分